

四庫全書

史部

欽定四庫全書

欽定續通典卷一百三十五

州郡

元

遼陽等處行中書省為路七府一屬州十二屬縣十徒

存其名而無城邑者不在此數

本省計站一百二十處

遼陽路

上

金遼陽府領遼陽鶴野二縣

按金史地理志遼陽府領遼陽

鶴野宜豐石城凡四縣元志云二縣其宜豐石城不知何時併省謹附識

後復改為東京宜

豐澄復蓋瀋貴德州廣寧府來遠軍並屬焉元初廢貴
德澄復州來遠軍以廣寧府博索府懿州蓋州作四路
直隸省至元六年置東京總管府降廣寧為散府隸之
十五年割廣寧仍自行路事直隸省十七年又以博索
府懿州蓋州來屬二十四年始立行省二十五年改東
京為遼陽路後廢博索府為巡檢司領縣一州二遼陽
下倚郭至元六年以
鶴野縣警巡院入焉 蓋州 下初為蓋州路至元六年
併為東京支郡併熊岳陽池

案陽池金史地理
志作湯池謹附識

二縣入

建安縣八年又併建安縣入本州 懿州 下初為懿州

路至元六年為東京支郡所領豪州及同昌靈山二縣

省入順安縣後入本州 案金史地理志泰和四年以同昌隸義州不知何時復來屬謹

附識

廣寧府路 下金為廣寧府元封布爾古特為廣寧王舊

立廣寧行帥府事後以地遠遷治臨潢立總管府至元

六年以戶口單寡降為東京路總管府屬郡十五年復

分為路行總管府事領縣二閭陽 下初立千戶所至元十五年以戶口繁夥

欽定四庫全書

欽定續通典

卷一百三十五

二

復立行千戶所
後復為開陽縣
望平
至元六年省鍾秀縣入焉十五年

肇州

按哈喇巴圖爾傳至元三十年世祖謂哈喇巴圖爾曰納延故地曰阿巴拉呼者產魚吾今立城而

以元蘇爾罕哈努森奇爾濟蘇三部人居之名其城曰肇州汝往為宣慰使既至定市里安民居得魚九尾皆千斤來獻又成宗紀元貞元年立肇州屯田萬戶府以遼陽行省左丞阿薩爾領其事而大元一統志與經世大典皆不載此州不知其所屬所領之詳今以廣寧為納延分地故附注於廣寧府之下納延布爾古特之孫也

山北遼東道肅政廉訪司

大寧路

上

金北京路大定府元初為北京路總管府領

欽定四庫全書

卷一百三十五

高州

下

錦州

下

利州

下

惠州

下

川州

下

建

州

下

東寧路本高句驪平壤城元至元六年李延齡等以府

州縣鎮六十城來歸八年為東寧府十三年升東寧路

總管府設錄事司割靜州義州麟州威遠鎮隸博索府

餘城堙廢不設司存今姑存舊名土山縣中和縣

鐵化鎮

都護府

自唐之季地入高麗置府州縣鎮六十餘城此為都護府雖仍唐舊名而

無都護府之實至元六年李延齡等以其地來歸後城治廢毀僅存其名

定遠府

郭州

興中府及義瑞興高錦利惠川建和十州中統三年割

興州及松山縣屬上都路至元五年併和州入利州為

永和鄉七年興中府降為州仍隸北京改北京為大寧

二十五年改為武平路後復為大寧初置警巡院至元

二年改置錄事司領縣七州九大定

下中統二年省長興入焉

龍山

下初屬大定府至元四年屬利州後復來屬

富庶

下至元三年省入興中府後復置

和衆下

金源

下

惠和

下

武平

下

義州

下

興中州

下

元初因

舊為興中府後省至元七年又降府為州

瑞州

下

高麗復叛洪福源引衆來歸授高麗軍民萬戶徙降民散居遼陽瀋州初創城郭置司存僑治遼陽故城中統二年改為安撫高麗軍民總管府及高麗舉國內附四年又以質子淳為安撫高麗軍民總管分領二千餘戶理瀋州成宗元貞二年併兩司為瀋州等路安撫高麗軍民總管府仍治遼陽故城

開元路金之舊土也號上京會寧府金末其將富森鄂諾據遼東元師伐之生禽鄂諾師至開元率賓東土悉

撫州

黃州

領安岳三和龍岡咸從江西五縣長命一鎮

靈州

慈州

嘉州

順州

殷州

宿州

德州

領江東永清通海順化四縣寧

遠采遠安戎三鎮

昌州

鐵州

領定戎一鎮

泰州

价州

朔

州

宣州

領寧朔席山二鎮

成州

領樹德一鎮

熙州

孟州

領三

登一縣椒島椒島寧得三鎮

延州

領陽巖一鎮

雲州

瀋陽路金為瀋州昭德軍又更顯德軍後皆燬於兵火

元初平遼東高麗國麟州神騎都領洪福源率西京都

護龜州四十餘城來降各立鎮守司設官以撫其民後

平開元之名始見於此初立開元南京二萬戶府治黃龍府至元四年更遼東路總管府二十三年改為開元路領咸平府後割咸平為散府俱隸遼東道宣慰司

咸平府金領平郭安東新興慶雲清安歸仁六縣

按金史地

理志咸平府領平郭銅山新興慶雲清安
崇安歸仁玉山凡八縣與元志異謹附識元初因之

海蘭府碩達勒達等路元初設軍民萬戶府五撫鎮北邊一曰屯一曰和囉噶一曰鄂多里一曰托果琳一曰布固江各有司存分領混同江南北之地

河南江北等處行中書省為路十二府七州一屬州三

十四屬縣一百八十二

本省陸站一百六
處水站九十處

河南江北道肅政廉訪司

汴梁路

上

金為南京舊領歸德府延許裕唐陳毫鄧汝

潁徐邳嵩宿中鄭鈞睢蔡息盧氏行襄樊二十州元至

元八年令歸德自為一府割毫徐邳宿四川隸之升中

州為南陽府割裕唐汝鄧嵩盧氏行襄樊隸之九年廢

延州以所領延津陽武二縣屬南京路統蔡息鄭鈞許

陳睢潁八州開封祥符倚郭而屬邑十有五舊有警巡

院十四年改錄事司二十五年改為汴梁路三十年升

蔡州為汝寧府屬行省割息潁二州以隸馬領縣十七

州五州領二十一縣開封下倚祥符下倚中牟下原武

下舊以此縣隸延州元初隸開封府後復為延州縣如舊至元九年州廢來屬按金史地理志原武縣屬鄭

州本志後鄭州注亦云元初領管城滎陽汜水河陰原武新鄭密滎澤八縣及司候司後割新鄭密屬鈞州滎

澤原武隸開封府則原武實自鄭州來鄆陵中滎澤下

隸志云舊以此縣隸延州蓋誤謹附識封丘中金世宗大定中河水湮沒遷治新

欽定四庫全書



欽定四庫全書

卷一百三十五

城遺址稍加完
岸而遷治焉

扶溝 下陽武

下舊隸延州至元九年州廢來屬

杞

中元初河

決城之北面為水所圯遂為大河之道乃於故城北二里河水北岸築新城置縣繼又修故城號南杞縣

延津

下舊為延州隸河南路至元九年州廢以縣來屬

蘭陽

下按金史地理志載曹州東明縣

因避河患徙治後以故縣為蘭陽儀封是蘭陽原隸曹州應係元初改屬謹附識

通許

下

尉氏

下太康

下洧川

下陳留

下鄭州

下

元初領管城滎陽

汜水河陰原武新鄭密滎澤八縣及司候司後割新鄭

密屬鈞州滎澤原武隸開封府併司候司入管城領四

縣管城

下倚郭

滎陽

下

汜水

下

河陰

下

許州

下

金為昌

武軍元初復為許州領五縣長社下長葛下郾城下襄

城下臨潁下陳州下元初領宛丘南頓項城商水西

華清水六縣至元二年南頓項城清水皆廢後復置南

頓項城領五縣宛丘西華商水至元二年省南頓項城入馬後復置

南頓項城鈞州下元至元二年割鄭州密縣來屬

領三縣陽翟下新鄭下密下睢州下領四縣襄邑下侍

郭考城下儀封下按金史地理志載曹州東明縣因避河患徙治後以故縣為蘭陽儀封是

儀封原隸曹州應係元初改屬謹附識柘城下

河南府路金為中京金昌府元初為河南府舊領洛陽

宜陽永寧登封鞏偃師孟津新安黽池九縣後割黽池

隸陝州設錄事司領縣八州一州領四縣洛陽宜陽

下永寧

下按金史地理志永寧縣屬嵩州當是元初改屬又下嵩州注云元初以福昌隸河南而此

無福昌縣疑有說誤謹附識

登封

下

鞏

下

孟津

下

新安

偃師

下

陝州

下

領四縣陝

下

靈寶

下至元三年省入陝縣八年廢號州為號畧隸陝州併號

畧治靈寶以號畧為巡檢司併朱陽縣入焉

閿鄉

下至元二年省湖城縣入焉

黽池

下金升為

韶州置黽池司候司元至元三年省司候司八年省韶州復為縣隸河南府路後割以來屬

南陽府舊南陽縣金升為申州元至元八年升為南陽

府以唐鄧裕嵩汝五州隸焉二十五年改屬汴梁路後

直隸行省領縣二州五州領十一縣南陽下倚鎮平下

按王鴻緒明史彙鎮平縣本漢安衆縣後廢為穰縣北鄉地元置縣謹附識鄧州下金屬

南京開封府舊領穰縣南陽內鄉淅川順陽五縣按金史地

理志無淅川順陽二縣惟穰縣有順陽鎮內鄉縣有淅水疑金末分二縣也置縣謹附識元初以淅

川順陽省入內鄉舊設錄事司至元二年併入穰縣領

三縣穰下倚內鄉下至元二年新野下按明史彙新野漢縣唐省入穰

縣元復置

謹附識

唐州下 舊唐州金改裕州

按金史地理志云唐州中刺史

無改為裕州之文元志疑誤謹附識

元初復為唐州至元三年廢湖陽比

陽桐栢三縣領一縣泌陽

尉郭

嵩州下

金領伊陽福昌

二縣

按金史地理志嵩州領伊陽永寧福昌等縣永寧縣注云宋隸河南府海陵正隆六年以前寄治於

府後即鎮為縣本志以永寧屬河南於此云領伊陽福昌二縣疑有訛誤謹附識

元初以福昌

隸河南至元三年省伊陽入州領一縣盧氏

下至元二年隸南京

路八年屬南陽府十一年來屬

汝州下

元至元三年廢郟城寶豐二

縣入梁縣後復置郟縣領三縣梁

下魯山下郟下

裕

州

下

唐初置北澧州又改魯州後廢為縣屬唐州金升

為裕州舊領方城舞陽葉縣元初即葉縣行隨州事就

置昆陽縣為屬邑至元三年罷州併昆陽舞陽二縣入

葉縣後復置舞陽領三縣方城

下倚郭

葉

下

舞陽

下

汝寧府唐蔡州上蔡西平確山遂平平輿為屬邑元至

元七年省遂平平輿入汝陽隸汴梁路三十年河南江

北行省平章巴延言蔡州去汴梁地遠凡事稽誤宜升

散府遂升汝寧府直隸行省以息潁信陽光四州隸焉

復置遂平縣領縣五州四州領十縣汝陽

下元初廢後置蔡州治此

仍復置縣

上蔡

下西平

下碓山

遂平

下元初省入汝陽後復置

潁州

下金領汝陰泰和沈邱潁上四縣元至元二年省四縣

及錄事司入州後復領三縣太和

下元初省入汝陰縣之百

尺鎮地置萬壽縣尋改曰泰和洪武初改泰為太元志作太字當係傳寫之訛謹附識

沈邱

下潁

上下

息州

下

金領新息新蔡真陽褒信四縣元中統

三年以李壇叛廢州四年復置至元三年以四縣併入

州後復領二縣新蔡

下真陽

下光州

下宋光山軍元

至元十二年歸附屬蘄黃宣慰司二十二年同蘄黃等

州直隸行省三十年隸汝寧府領三縣定城固始

宋下

宋兵亂徙治無常元至元十一年復舊治光山

下兵亂地荒至元十二年復立舊治

信陽州

下宋信陽軍元至元十四年改立信陽府領羅山信陽

二縣十五年改為信陽州二十年以羅山縣當驛置要

衝徙州治此而移縣治於西南號曰羅山新縣領二縣

羅山

倚郭

信陽

歸德府宋南京應天府金為歸德府金亡宋復取之舊

領宋城寧陵下邑虞城穀熟碭山六縣元初與毫之鄆
縣同時歸附置京東行省未幾罷至元元年以虞城鄆
山二縣在枯黃河北割屬濟寧府又併穀熟入睢陽鄆
縣入永州降永州為永城縣與寧陵下邑隸本府八年
以宿毫徐邳並隸焉設知府治中府判各一員直隸行
省領縣四州四州領八縣睢陽下倚郭唐曰宋城亦曰睢陽金曰睢陽宋曰宋
城元仍永城下下邑下寧陵下徐州下宋武寧軍金
屬山東西路金亡宋復之元初歸附至元二年降為下

州舊領彭城蕭永固三縣

按金史地理志無永固縣據方輿紀要蕭縣有永固廢縣

注云元置後廢為鎮謹附識

及錄事司至是永固併入蕭縣彭城并

錄事司併入州領一縣蕭

下至元二年併入徐州十二年復立

宿州

中

宋保靜軍金置防禦使金亡宋復之元初隸歸德府領

臨渙蘄靈壁符離四縣并司候司至元二年以四縣一

司併入州四年以靈壁入泗州十七年復來屬領一縣

靈壁

下

邳州

下

宋置淮陽軍金復為邳州金亡宋暫

有之元初以民少併三縣入州至元八年以州屬歸德

府十二年復置睢寧宿遷兩縣屬淮安十五年還來屬

領三縣下邳

下州治所

宿遷

下

睢寧

下州

按金史地理志邳

州有

蒯陵縣無

睢寧縣

邳

縣

邳

縣

邳

縣

邳

考明史彙云睢寧縣金析宿遷之古城置謹附識

亳州

下

宋集慶軍

金復為

亳州金亡宋復之元初領縣六譙鄴鹿邑城父衛真穀

熟後以民戶少併城父入譙衛真入鹿邑穀熟入睢陽

鄴入永城其睢陽永城去隸歸德後復置城父領三縣

譙

下

鹿邑

下

城父

下

襄陽路宋為襄陽府元至元十年兵破樊城襄陽守臣

呂文煥降立河南等路行中書省更襄陽府為散府未

幾罷省十一年改襄陽府為總管府又立荆湖等路行

樞密院十二年立荆湖行中書省後復罷十九年割均

房二州光化棗陽二縣來屬設錄事司領縣六州二州

領四縣襄陽

下倚郭

南漳

下

宜城

下

穀城

下

光化

至元十三年南

伐明年設官置縣屬南陽十九年來屬

棗陽

至元十四年屬南陽十九年來屬

均州

下

宋為武當軍元至元十二年江陵歸附割隸湖北道宣

慰司十九年還屬襄陽領二縣武當

下兵亂遷治無常至元十四年復置

鄖

下兵後僑治無常至元十四年復置

房州

下宋置保寧軍恭帝德祐

中知州黃思賢納土命千戶鎮守仍令思賢領州事元

至元十九年隸襄陽路領二縣房陵

下竹山下

蘄州路

下

宋為防禦州元至元十二年立淮西宣撫司

十四年改總管府設錄事司領縣五蘄春

中倚郭

蘄水

中

廣濟

中宋理宗嘉熙兵亂徙治大江中洲歸附後復舊治

黃梅

中嘉熙兵亂倚郭中洲後復舊

羅

田

下兵亂縣廢歸附後始立

黃州路

下

宋為團練軍州元至元十二年歸附十四年

立總管府十八年又為黃蘄州宣慰司治所二十三年

罷宣慰司直隸行省設錄事司領縣三黃岡

中州治所

黃陂

下兵亂僑治鄭州青山磯歸附還舊治

麻城

下兵亂徙治什子山歸附還舊治

淮西江北道肅政廉訪司

廬州路

上

宋為淮西路元至元十三年設淮西總管府

明年於本路立總管府隸淮西道二十八年以六安軍

為縣來屬後升六安縣為州設錄事司領縣三州三州

領八縣合肥

上倚郭

梁

中

舒城

中

和州

中

宋隸淮南西

道元至元十三年置鎮守萬戶府明年改立安撫司又

明年升和州路二十八年降為州隸廬州路舊設錄事

司後併入州領三縣厯陽

上倚郭

含山

中

烏江

中

無為

州中宋以光州城口鎮置無為軍元至元十四年升為

路二十八年降為州罷鎮巢州為縣以屬焉

按明史巢縣宋鎮

巢軍元改為州尋降為縣元志未晰謹附識

領三縣無為

上倚郭

廬江

中

巢下

六安州

下

宋六安軍元至元十二年歸附二十八年

降為縣隸廬州路後升為州領二縣六安

中

英山

中

安豐路

下

宋為壽春府又以安豐縣為安豐軍繼遷安

豐軍於壽春府元至元十四年改安豐路總管府十五

年定為散府領壽春安豐霍丘三縣二十八年復升為

路以臨濠府為濠州與下蔡蒙城俱來屬設錄事司領

縣五州一州領三縣壽春

中 郭 倚

安豐

下霍丘

下下蔡

下至

元十三年隸壽春府二十八年罷府與蒙城皆來屬

蒙城

下

濠州

下

宋為團練

州初隸淮南路後隸淮南西路元至元十三年歸附設

濠州安撫司十五年定為臨濠府二十八年復為濠州

韋懷遠為下縣來屬領三縣鍾離

下倚郭

定遠

下

懷遠

宋下

為懷遠軍領荆山一縣元至元二十八年以軍為縣隸濠州省荆山入馬

安慶路

下

宋為安慶府元至元十三年立安撫司十四

年改安慶路總管府屬斬黃宣慰司二十三年罷宣慰

司直隸行省設錄事司領縣六懷寧

中

宿松

中

望江

下

太湖

中

桐城

中

潛山

英宗至治三年初立

考潛山縣本懷寧縣之清朝玉照

按續輿地

二鄉地宋為四寨元至元中立野

人原寨至治三年始立縣謹附識

按續輿地

照

淮東道宣慰使司

江北淮東道肅政廉訪司

揚州路

上

宋為淮東路元至元十三年初建大都督府

置江淮等處行中書省十四年改為揚州路總管府十五年置淮東道宣慰司本路屬焉十九年省宣慰司以本路總管府直隸行省二十一年行省移杭州復立淮東道宣慰司止統本路屬淮安二郡而本路領高郵府及真滁通泰崇明五州二十二年行省復還宣慰司遂廢所屬如故後改立河南江北等處行中書省移治汴

梁路復立淮東道宣慰司割出高郵府為散府直隸宣

慰司設錄事司領縣二州五州領九縣江都上倚郭泰興

上真州中宋置建安軍又升為真州元至元十三年

初立真州安撫司十四年改真州路總管府二十一年

復為州隸揚州路領二縣揚子上倚郭至元二十年省錄事司入馬六合

下滁州下元至元十五年改滁州路總管府二十年

仍為州隸揚州路領三縣清流中至元十四年省錄事司入馬來安下

全椒中泰州上元至元十四年立泰州路總管府二

十一年改為州隸揚州路領二縣海陵

上倚如皋上

通州

中

宋靜海郡元至元十五年改通州路總管府二

十一年復為州隸揚州路領二縣靜海

上倚

海門

中

崇明州

下

本通州海濱之沙洲宋建炎間有昇州句容

縣姚劉姓者因避兵於沙上其後稍有人居焉遂稱姚

劉沙寧宗嘉定間置鹽場屬淮東制司元至元十四年

升為崇明州

淮安路

上

宋為淮安州元至元十三年行淮東安撫司

十四年改立總管府領山陽鹽城淮安淮陰新城清河

桃園七縣設錄事司二十年升為淮安府路併淮安新

城淮陰三縣入山陽兼領臨淮府海寧泗安東四郡其

盱眙天長臨淮虹五河贛榆朐山沭陽各歸所隸二十

七年革臨淮府以盱眙天長隸泗州領縣四州三州領

八縣山陽

上至元十二年安東州歸附以本縣馬羅軍寨作山陽縣十三年淮安路歸附仍存淮安

縣二十年省淮安新城入焉

鹽城

上桃園

下按明史橐金以宿遷縣之桃園鎮也置淮濱縣

後省元復置桃園縣謹附識

清河

下本泗州之清河口宋立清河軍至元十五年為縣

海寧

州下唐海州宋隸淮東路元至元十五年升為海州路

總管府復改為海寧府未幾降為州隸淮安路初設錄

事司二十年與東海縣併入朐山領三縣朐山中沭陽

下贛榆下

泗州下宋隸淮東路元至元十三年降為

下州舊領臨淮淮平虹靈壁睢寧五縣十六年割睢寧

屬邳州十七年割靈壁入宿州以五河縣來屬二十一

年併淮平入臨淮二十七年廢臨淮府以盱眙天長二

縣隸馬領五縣臨淮下

虹下五河

下初隸臨淮府十七年來屬按宋史也

理志度宗咸淳七年於泗州五河口置淮安
軍領五河縣當是元初廢軍為縣謹附識
盱眙上宋

軍元至元十三年行招信軍安撫司事領盱眙天長
信五河四縣明年升昭信路總管府十五年改為臨淮

府十七年以五河縣在淮之北改屬泗州二十年
併招信入盱眙二十七年廢臨淮府為盱眙縣
天長

中
安東州下

高郵府唐縣宋升為軍元至元十四年升為高郵路總

管府領錄事司及高郵興化二縣二十年廢安宜府為

寶應縣來屬又併錄事司改高郵路為府屬揚州路今

隸宣慰司領縣三高郵上興化中寶應上
舊為寶應軍至元十六年為

安宜府二十年廢
府為縣來屬本府

荆湖北道宣慰司

山南江北道肅政廉訪司

中興路

上

宋為荆南府元至元十三年改上路總管府

設錄事司文宗天曆二年以潛藩改為中興路領縣七

江陵

上

公安

中

石首

中

松滋

中

枝江

下

潛江

中

監利

中

宋兵亂民散收

附後始復舊

峽州路

下

本峽州宋隸荆湖北路後徙治江南元至元

十三年歸附十七年升為峽州路領縣四夷陵

中宋末隨州遷

治不常歸附後復歸江北舊治宜都下長陽下遠安下

安陸府唐郢州宋隸京西路元至元十三年歸附十五

年升為安陸府領縣二長壽

中京山

中兵亂移治漢濱至元十二年還舊

治

沔陽府本復州宋理宗端平間移州治於沔陽鎮元至

元十三年歸附改為復州路十五年升為沔陽府領縣

二玉沙

中倚郭

景陵

中兵亂徙治無常歸附後還舊治

荊門州

下

唐為縣宋升為軍理宗端平間移治當陽縣

元至元十三年歸附十四年升為府十五年遷府治於

古城降為州領縣二長林

上

當陽

中

德安府唐安州宋為德安府咸淳間徙治漢陽元至元

十三年還舊治隸湖北道宣慰司十八年罷宣慰司直

隸鄂州行省為散府後割以來屬領縣四州一州領二

縣安陸

下

孝感

下

應城

中

雲夢

下

隨州

下

宋為崇信

軍又為棗陽軍後因兵亂遷徙無常元至元十二年歸

附十三年即黃仙洞為州治領二縣隨

下應山



欽定續通典卷一百三十五

欽定四庫全書

史部

欽定續通典卷一百三十六

七十六

詳校官監察御史臣曹錫寶

洗馬臣王坦修覆勘

校對官庶吉士臣歐陽健

謄錄舉人臣唐以增

欽定四庫全書

欽定續通典卷一百三十六

州郡

元

陝西諸道行御史臺

陝西等處行中書省為路四府五州二十七屬州十二

屬縣八十八

本省陸站八十八處水站一處

奉元路上宋分陝西秦鳳熙河涇原環慶鄜延為六路

金併陝西為四路元中統三年立陝西四川行省治京

兆至元初併雲陽縣入涇陽櫟陽縣入臨潼終南縣入

藍屋十六年改京兆為安西路總管府二十三年四川

置行省改此省為陝西等處行中書省大德元年移雲

南行臺於此為陝西行臺皇慶元年改安西為奉元路

設錄事司領縣十一州五州領十五縣咸寧下長安下

咸陽下按續輿地考咸陽縣元省入興平尋復置謹附識興平下臨潼下藍田

下涇陽下元至元二年併入高陵縣三年復立高陵下鄠下藍屋下郿下舊為郿

州添置栲林縣至元年
省郿州為郿縣廢栲林

同州下唐為同州宋為定

國軍金因之元仍為同州

按同州志云至元六年省
馮翊縣入同州謹附識

領

五縣朝邑下白水

下郃陽

下按金史地理志貞祐四
年以郃陽隸潁州明一統志

云郃陽縣元初隸潁
州後仍舊謹附識

澄城

下韓城

下唐宋為郃城縣金
曰潁州元至元元年

州廢二年再立六
年州又廢止設縣

華州下舊華州金安軍元復為

華州

按陝西通志云元省
鄭縣入州謹附識

領三縣華陰下蒲城

下華陰縣按

志蒲城縣元中統初省
至元二年復置謹附識

渭南

下按渭南志元省下
郃縣入渭南謹附識

耀州下

宋為感義軍又改感德軍又為耀州如故金因

之元至元元年併華原縣入州又併美原入富平領三

縣三原

下富平下同官下

乾州下至元元年併奉天

縣入州五年復置奉天省好時入焉又割永壽來屬後

又改奉天為醴泉領三縣醴泉

下武功

按續輿地考武功縣金改

為武亭縣元復舊謹附識

永壽

下宋金屬邠州元至元十五年徙縣治于麻亭

商州

下領

一縣洛南

延安路

下宋為

延安府金為鄜延路元改延安路領縣

八州三州領八縣膚施

下甘泉

按元一統志云至元二年併臨真縣入甘

泉謹

宜川

下元初置司使司至元六年省入宜川
元一統志云至元六年併丹州入宜川縣
陝

附識

西通志云元省門山
縣入宜川謹附識

延長

下

延川

下

安定

下本宋舊堡
元初升為安

定縣至元元年析置丹頭
縣四年併丹頭入本縣

安塞

下本

金舊堡

元初升為
按安塞縣志云元

省數政縣入
安塞謹附識

保安

下金為保安州元
至元六年降為縣

鄜州

下

舊領洛

交洛川鄜城直羅四縣至元四年併鄜城入洛川又併

洛交直羅入州六年廢坊州以中部宜君二縣來屬領

三縣洛川

下中部

下

宜君

下

綏德州

下

唐綏州

宋為

綏德軍金為州領八縣元初併嗣武入米脂綏平入懷

綏德軍金為州領八縣元初併嗣武入米脂綏平入懷

欽定四庫全書



欽定續通典

三

寧至元四年併定戎入米脂懷寧入青澗又併義合綏

德入本州領二縣青澗下米脂下葭州下宋為晉寧

軍金改為葭州元至元六年併通秦彌川葭蘆入州併

太和入神木建寧入府谷領三縣神木下元初創立雲

神木寨至元六年廢州為縣吳堡下按元一統志云吳堡縣元

谷下後唐為府州元初建州治至元六年廢為縣

興元路下宋為興元府元立興元路總管府久之以鳳

金洋三州隸焉宋時領南鄭西縣褒城廉水城固五縣

後廢廉水入南鄭元初割出西縣屬沔州以洋州西鄉

縣來屬領縣四州三南鄭

下城固

下褒城

下西鄉

下按續

輿地考云西鄉縣宋端平中廢元復置謹附識

鳳州

下宋為團練州元至元

五年以在郭梁泉縣併入州隸興元路

洋州

下至元

二年省興道真符二縣入州

金州

下宋為金房開達

四州路元為散州

按續輿地考云平利洵陽漢陰石泉元併省入金州謹附識

陝西漢中道肅政廉訪司

鳳翔府元初割平涼府秦隴德順西寧鎮寧州隸鞏昌

路廢恒州以所領蓋屋縣隸安西府路尋立鳳翔路總

管府至元九年更為散府領縣五鳳翔下扶風下岐山

下寶雞

下按明一統志云元省號縣入寶雞謹附識

麟游

下按明一統志云元廢普潤縣入

麟游謹

附識

邠州下領縣二新平下淳化

下至元七年併三水入本縣

涇州下宋為彰化軍舊領保定長武靈臺良原四縣金

改保定縣為涇川元初以隸都元帥府立總司轄邠州

後屬鞏昌都總帥府或隸平涼府陝西省所隸不一今

直隸省領縣二涇川

下涇州治此即保定靈臺下至元七年併歸涇川十一年復立

以良原併入而長武仍併於涇川

開成州

下本原州

金為鎮戎州元初仍為原州至元十

年皇子安西王分治秦蜀遂立開成府仍視上都號為

上路至治三年降為州領縣一州一開成

廣安州

本鎮

戎地金升為縣隸鎮戎州經亂荒廢元至元十年安西王封守西土既立開成路遂改為廣安縣募民居止未

幾戶口繁夥十五年升為州仍隸本路

莊浪州

下沿革闕大德八年二月降莊浪路為州

鞏昌等處總帥府

鞏昌府宋鞏昌州金為鞏昌府元初改鞏昌路便宜都總帥府統鞏昌平涼臨洮慶陽隆慶五府及秦隴會環金德順徽金洋安西河洮岷利巴沔龍大安褒涇邠寧定西鎮原階成西和蘭二十七州又於成州行金洋州事至元五年割安西州屬圖沙瑪路總管府六年以河州屬吐蕃宣慰司都元帥府七年併洮州入安西州八年割岷州屬圖沙瑪路十三年立鞏昌路總管府十四年

復行便宜都總帥府事其年割隆慶府利巴大安褒沔

龍等州隸廣元路二十一年又以涇邠二州隸陝西漢

中道宣慰司而帥府所統者鞏昌平涼臨洮慶陽府凡

四秦隴寧定西鎮原階成西和蘭會環金德順徽金洋

州凡十有五設錄事司領縣五隴西下寧遠

下按金史地理志

鞏州安西縣有寧遠寨當是元時升為縣謹附識

伏羌

下本舊寨至元十三年升縣

通渭下

鄣

下宋名鹽川寨金為鎮元至元十七年置今縣

平涼府元初併潘原縣入平涼化平入華亭隸鞏昌帥

府領縣三平涼

下

崇信

下

華亭

下

臨洮府至元十三年復以渭源堡升為縣領縣二狄道

下渭源

下

慶陽府金為慶源路元初改為慶陽散府至元七年併

安化彭原入馬領縣一合水

下

秦州中舊領六縣元至元七年併雞川隴城入秦安治

坊入清水領縣三成紀

中

清水

中

秦安

下

隴州

中

宋金置防禦使舊領四縣元至元七年省吳山

隴安入汧源十三年罷防禦使為散郡領縣二汧源

中

按仁宗本紀云延祐四年汧陽下
併汧源縣入隴州謹附識

寧州下至元七年併襄樂安定定平八州領縣一真寧

下

定西州下宋置定西城金改定西縣復升為州仍置安

西縣倚郭通西二塞並置縣來屬元至元三年併三縣

入本州

按四川通志云元因地震改為安定州謹附識

鎮原州下本原州元改鎮原州以鎮戎州之東山三川

二縣來屬至元七年例併州縣遂以臨涇彭陽及東山
三川四縣入本州

西和州下舊領縣三大潭祐川軍興久廢惟有長道一
縣元至元七年亦併入本州

環州下金隸慶陽府元初為散郡舊領通遠一縣至元
七年併入本州

金州下本蘭州龕谷寨金升寨為縣以龕谷為金州治
所元至元七年併縣入州

靜寧州

下

宋德順軍金升為州元初併治平永洛

按永洛宋

金史志並作水洛元志蓋誤謹附識

入隴干後復省隴干改為靜寧州領

縣一隆德

下

蘭州

下

元初領阿干一縣及司候司至元七年併司縣

入本州

會州

下

宋置敷文縣金置保川縣陷于河西僑治州西

南百里會川城名新會州元初棄新會州遷於所隸西

寧縣至元七年併縣入州

徽州下元兵入蜀鳳州二縣首降以鳳州仍治梁泉別置南鳳州治於河池後又升永寧鄉為縣與兩當同為屬邑至元元年改為徽州七年併河池永寧二縣入州領縣一兩當下

階州下舊領福津將利二縣至元七年併入本州

成州下舊領同谷粟亭二縣元初以田世顯挈成都府歸附令遷於粟亭行粟亭管民司事不隸成州割天水縣來屬至元七年併同谷天水二縣入州

金洋州本隸興元路元初有雷李二將挈民戶歸附令遷至成州自行金洋州事

土蕃等處宣慰司都元帥府

至元九年於土蕃西界立寧河站

河州路下領縣三定羌下寧河下安鄉下

雅州

下憲宗攻破雅州石泉守將趙順以城降

領縣五石山下瀘山下百丈

下榮經下嚴道下

黎州下領縣一漢源下

洮州下領縣一可當下

貴德州下

茂州下領縣二文山下汶川下

圖沙瑪路

岷州下

鐵州下

碣門魚通黎雅長河西寧等處宣撫司

至元二年授雅州碣門安撫使

高保四虎符高保四言碣門舊有城邑中統初為宋人所廢衆依山為柵去碣門半舍欲復戍故城便於守伺較泰蜀行省彼中緩急卿等相度須得其宜城如可復當助成之三年諭四川行樞密院遣人於碣門巖州西

南沿邊丁寧告諭官吏軍民有願來歸者方便接納用
煮存恤百姓貧者賑之願徙近裏城邑者以屋舍給之

禮店文州蒙古漢軍民元帥府

自河州以下至此多
闕其餘如桑甘斯烏

斯藏積石州之類尚多
載籍疎略莫能詳錄也

四川等處行中書省為路九府三屬府二屬州三十六

軍一屬縣八十一蠻夷種落不在其數

本省陸站四十
八處水站八十

四處鹽場十二處俱鹽井所出井凡九十五眼在成都
夔府重慶叙南嘉定順慶廣元潼川紹慶等路所管州

縣萬山
之間

西蜀四川道廉訪司

成都路

上

宋為益州路又為成都府路元初撫定立總

管府設錄事司至元十三年領成都嘉定崇慶三府眉

邛隆黎雅威茂簡漢彭綿十一州後嘉定自為一路以

眉黎邛隸之二十年又割黎雅屬吐蕃招討司降崇慶

為州隆州併入仁壽縣隸本府領縣九州七州領十一

縣成都

下唐宋為成都府治所元至元十三年以本縣元管大城內西北隅併入錄事司

華陽

下新都

下郫

溫江

下

雙流

下

按四川通志元省廣都縣入雙流謹附識新

繁

下

仁壽

下唐為陵州宋為隆州元至元二十年以州地荒民散併為仁壽縣隸成都府路

金

堂

下宋屬懷安軍元初升為懷州而縣屬如故至元二十年併州入金堂縣隸成都府路

彭州

下

按四川通志元至元十三年省九隴縣入州謹附識

領二縣濛陽下崇寧下

漢州

下

唐為德陽郡又為漢州自唐至宋苦於兵革民

不聊生元中統元年復立漢州

按四川通志元省雒縣入州謹附識

領三

縣什邡

下

德陽

下至元八年升為德州十三年仍為縣隸成都路十八年復來屬

綿竹

下至元十三年以戶少併入州後復置

安州

下

唐置石泉縣宋升為軍

元中統五年升為安州領一縣石泉

下

灌州宋為

永康軍後廢為灌口寨元初復立灌州至元十三年以

導江青城二縣戶少省入州 崇慶州 下宋為崇慶軍

元至元十二年立總管府二十年改為崇慶州併江原

縣入州領二縣晉原 下新津下 威州 下唐維州宋改

威州領保寧通化二縣元至元十九年併保寧入州領

一縣通化 下 簡州 下至元二十年併附郭陽安縣入

州二十二年併成都府所屬靈泉縣來隸而本州有平

泉以地荒竟廢之

嘉定府路 下宋為嘉定府元至元十三年立總管府設

錄事司舊領龍游夾江峨眉犍為洪雅五縣二十年併

洪雅入夾江領縣四州二州領三縣龍游下夾江下峨

眉下犍為下眉州下至元十四年隸嘉定路領二縣

彭山下青神下邛州至元十四年立安撫司兼行州

事二十一年併臨邛依政蒲江三縣入州領一縣大邑

下

廣元路下宋為利州路端平後地荒民散元憲宗三年

立利州治設都元帥府至元十四年罷帥府改為廣元

路領縣二府一州四府領三縣州領七縣綿谷下昭化

下元初併
葭萌入焉

保寧府

下唐隆州又改閬州又為閬中郡

後唐為保寧軍元初立東川路元帥府至元十三年升

保寧府二十年罷元帥府改保寧路初領新得小寧二

州後併入閬中縣又併奉國入蒼溪縣新井新政西水

總入南部縣仍改為府隸廣元路領三縣閬中

下倚蒼
郭

溪

下南部

下

劍州宋為普安軍又為隆慶府元至

元二十年改劍州領二縣普安

下至元二十年併
普城劍門入焉

梓潼

下
龍州下本龍州元憲宗時宋守將王知府以城降

至元二十二年併江油清川二縣入焉巴州下宋領

化城難江恩陽曾口上通江下通江六縣元至元二十

年併難江恩陽二縣入化城上下通江二縣入曾口按四

川通志至正四年復置通江縣謹附識領二縣化城下曾口下沔州下

至元十四年隸廣元路二十年廢褒州止設鐸水縣遷

沔州而治焉領三縣鐸水下倚大安下本大安州至元二十年降為縣以

來屬按元一統志併三略陽下至元二十年併

泉縣入大安縣謹附識長舉及西縣入焉

順慶路下宋為順慶府元中統元年立征南都元帥府

至元四年置東川路統軍司後改東川府十五年復為

順慶二十年升為路設錄事司領縣二府一州二府領

二縣州領五縣南充下至元二十年併漢初入焉西充下至元二十年併流溪舊

縣入焉廣安府宋為廣安軍又改寧西軍元至元十五

年廢寧西軍二十年升為廣安府舊領渠江岳池和溪

新明四縣後併和溪新明入岳池領二縣渠江下併郭岳

池下蓬州下元初立宣撫都元帥府後罷至元二十

年立蓬州路總管府後復為蓬州領三縣相如

至元二十年以

金城寨營山

下至元二十年併良山入焉

儀隴

下至元二十年併蓬池伏虞入焉

渠州下宋屬潼川府元至元十一年立渠州安撫司二

十年罷安撫司以渠州為散郡領二縣流江下大竹

下至

元二十年併鄰山鄰水入焉

潼川府宋為靜戎軍又改安靜軍又升潼川府兵後地

荒元初復立府治至元二十年併涪城及錄事司入鄰

縣通泉入射洪東關入鹽亭銅山入中江領縣四州二

鄆

下倚郭

中江

下射洪

鹽亭

下

遂寧州

下宋為遂寧

府元至元十九年併遂寧青石二縣入小溪長江入蓬

溪後復改為州領二縣小溪

下蓬溪

下

綿州元初

隸成都路至元二十年併魏城入本州改隸潼川府領

二縣彰明

下羅江

下

永寧路

下

領州一

筠連州

下

開至元十七年

樞密院

言四川行省參政行諸蠻

夷部宣慰司濟遜言先是奉旨以高州筠連州騰川縣

隸安撫郭漢傑立站今漢傑已併蠻洞五十六有旨濟

遜所陳卿等與中書議臣等以為宜遣使行視之帝曰

此五十六洞如舊隸高州筠連則與郭漢傑立站否則

還之領一縣騰川下

四川南道宣慰司

至元十六年立

重慶路

上

宋為重慶府元至元十六年立重慶路總管

府二十一年升為上路割忠涪二州為屬郡二十二年

又割盧合來屬省壁山入巴縣廢南平軍入南川縣為

屬邑置錄事司領縣三州四州領十縣巴

下倚郭

江津

下至

元十六年賜四川行省參政濟

南川

下

按四川通志元至元十一年廢

南平軍及隆化縣改

瀘州

下

宋為瀘川軍元至元二

十年併瀘川縣入焉二十二年隸重慶路領三縣江安

下納溪下合江下忠州下唐為忠州宋為咸淳府元

仍為忠州領三縣臨江下南賓下豐都下按四川通志元至元中併

墊江縣入豐都謹附識合州下元至元十五年宋安撫使王立

以城降二十年為散郡併錄事司赤水入石照縣二十

二年改為州按四川通志元併昌州及所領永川昌元大足八合州謹附識隸重慶路

領三縣銅梁下元初併巴川入焉定遠下本宋地名女菁平元至元四年便宜都總帥部兵

勑為武勝軍後為定遠石照下涪州下至元二十年

州二十四年降為縣

併涪陵樂溫二縣入焉領一縣武龍

下

紹慶府

下宋為紹慶府元至元二十年仍置府領二縣

彭水

下黔江下

懷德府領州四

闕

來寧州

下

柔遠州

下

酉陽州

下

服州

下

夔州路

下宋為帥府元至元十五年立夔州路總管府

以施雲安萬大寧四州隸焉二十二年又以開達梁山

三州來屬設錄事司領縣二州七州領五縣奉節

下巫

山下

施州

下

舊領清江建始二縣至元二十二年併

清江入州領縣一建始

下

達州至元十五年隸四

川東道宣慰司二十二年改隸夔州路領二縣通川

下

新寧

下

梁山州

下

宋為梁山軍元至元二十年升為

州領一縣梁山

下

萬州

下

宋為浦州元至元二十年

以南浦為萬州領一縣武寧

雲陽州

下

宋置安義縣

元至元十五年立雲安軍二十年升雲陽州併雲陽縣

入焉

大寧州

下

舊大昌縣宋置監元至元二十年升

為州併大昌縣入焉

開州下

叙南等處蠻夷宣撫司

叙州路本戎州宋為上州屬東川路後易名叙州咸淳

中城登高山為治所元至元十二年郭漢傑挈城歸附

十三年立安撫司未幾毀山城復徙治三江口罷安撫

司立叙州十八年復升為路隸諸部蠻夷宣撫司領縣

四州二宜賓下慶符下南溪下宣化下富順州下宋

富義監後改富順縣元至元十二年改立富順監安撫

司二十年罷安撫司升富順州 高州下唐開拓邊地

於本部置高州宋設長寧軍十州族姓俱效順元至元十五年雲南行省遣官招諭內附十七年知州郭安復行州事蠻人散居村園無縣邑鄉鎮

馬湖路下漢唐以下名馬湖部宋時蠻主屯湖內元至

元十三年內附立總管府遷於夷部溪口瀕馬湖之南岸創府治其民散居山箐無縣邑鄉鎮領軍一州一長寧軍宋長寧軍立安寧縣元至元十二年郡守黃

立挈城効順二十二年設錄事司後與安寧縣俱省入

本軍

戎州

下

本夜郎國西南蠻種唐時置晏州元至

元十三年濟遜為蠻夷部宣撫司遣官招諭十七年本

部官得蘭紐來見授以大壩都總管二十二年升為戎

州

附蠻夷種落

上羅計長官司領蠻地羅計羅星

古夜郎境為西南種族前代置之化外宋

設長寧軍十州族姓俱效順各命之官其後分姓他居遂有上下羅計之分元至元十三年蠻夷部宣撫濟遜

引本部夷酋得賴阿當歸順十五年授為得賴阿當千戶十八年黎州同知李奇以武略將軍來充羅星長官院討平之其民人散居村箐無縣邑鄉鎮

下羅計長官司領蠻地

近烏蠻與叙州長寧軍相接均為西南夷族與上羅計同至元

十二年長寧知軍率先內附十三年濟遜引本部夷酋得顏箇詣行樞密院降奏充下羅計蠻夷千戶二十二年諸蠻皆叛惟本部無異志

四十六團蠻夷千戶所領彘蛾夷

地在夢符向南抵定州古夜郎之屬唐羅

廉定州之支江縣也元至元十三年收附於慶符縣僑置千戶所領四十六團黃水口上下落骨山落牟許滿吳麼落財麼落賢騰息奴屯莫面落搔麼落梅麼得幸上落松麼得會麼得惡

落

落魂 落昧 下村 落島 麼得享 落燕 落得
麼得了 麼騰斛 許宿 麼九色 落搔 屯石
麼得晏 落能 山落寡 水落寡 落得播 麼
得具 麼得淵 騰曰影 落昧上村 賴扇 許焰
騰郎 周頭 賣落炎 落女 愛答洛 愛答連
麼得姦 阿郎頭 下得辛 上得辛 愛得婁

秦加大散等洞以下各設蠻夷官

秦加大散等洞 崖冒朱等洞 隴堤 斜

紂皮等洞 石耶洞 散毛洞 彭家洞 黑土石等

處 市備洞 樂化兀都刺布白享羅等處 洪望冊

德等族 大江九姓

羅氏 水西 鹿朝

阿永蠻部

至元二十一年酋長阿泥入覲自言阿永隣境烏蒙等蠻悉隸皇太子位願依例附屬詔

欽定四庫全書

欽定續通典

九

從其請以阿有師壁洞安宣撫司 永順等處軍民安

撫司 阿者洞以下各設蠻夷官 阿者洞 謝甲洞 永安下壩 阿渠洞

下役洞 驢虛洞 錢滿等處 水洞下曲等寨

必藏等處 酌宜等處 雍邦等寨 崖筍等寨 冒

朱洞 麻峽拓歌等寨 新附嵬羅金

井 沙溪等處 宙窄洞 新容米洞

甘肅等處行中書省為路七州二屬州五 本省馬站六處

河西隴北道肅政廉訪司

甘州路上唐為甘州又為張掖郡宋初為西夏所據改

鎮夷郡又立宣化府元初仍稱甘州至元元年置甘肅

路總管府八年改甘州路總管府十八年立行中書省
以控制河西諸郡

永昌路下宋初為西涼府真宗景德中陷入西夏元初
仍為西涼府至元十五年以永昌王宮殿所在立永昌

路降西涼府為州隸焉領州一下西涼州

肅州路下唐為肅州又為酒泉郡宋初為西夏所據元
太祖二十一年西征攻肅州下之至元七年置肅州路

總管府

沙州路

下唐

為沙州又為燉煌郡宋仍為沙州仁宗景

祐初西夏陷瓜沙肅三州盡得河西故地金因之元太

祖二十二年破其城以隸八都大王至元十四年復立

州十七年升為沙州路總管府瓜州隸焉

沙州去肅州千五百里內

附貧民欲乞糧沙州必須白之肅州然瓜州
後給與朝廷以其不便故升沙州為路領州一

下唐改為晉昌郡復為瓜州宋初陷於西夏夏亡州廢

元至元十四年復立二十八年徙居民於肅州但名存

而已

額齊訥路下漢西海郡居延故城夏國嘗立威福軍元

太祖二十一年內附至元二十三年立總管府

寧夏府路

下唐末

有拓跋思恭者鎮夏州世有銀夏綏

宥靜五州之地宋真宗天禧間傳至其孫德明城懷遠

鎮為興州以居之後升興慶府又改中興府元至元二

十五年置寧夏路總管府

至元八年立西夏中興等路
行中書省元貞元年革寧夏

路行中書省併其
事於甘肅行省

領州三

靈州

下唐

靈武郡宋初陷

於夏國改為翔慶軍

鳴沙州

下隋

鳴沙縣宋沒於夏

國仍舊名元初立鳴沙州應理州

下與蘭州接境東

阻大河西據沙山考之圖志乃唐靈武郡城其州地未詳建立之始元初仍立州

山丹州

下唐為刪丹縣宋初為夏國所有置甘肅軍元

初為阿濟格大王分地至元六年行山丹城事刪訛為山二十二年升為州隸甘肅行省

西寧州

下唐置鄯州理湟水縣肅宗上元間沒於土蕃

號青唐城宋改為西寧州元初為章吉駙馬分地至元

二十三年立西寧州

烏拉海路

太祖四年由黑水城北烏拉海西開口入河西獲西夏將高令公克烏拉海城

欽定續通典卷一百三十六

欽定四庫全書

欽定續通典卷一百三十七

州郡

元

雲南諸路行中書省為路三十七府二屬府三屬州五

十四屬縣四十七其餘甸寨軍民等府不在此數

馬站七十

四處水站四處
悉照元志詳注比
案雲南至元始
處特繁緣宋志
所不載故也
版圖州郡沿革

雲南諸路道肅政廉訪司

大德三年罷雲南行御史臺立肅政廉訪司

中慶路上唐姚州閣羅鳳叛取姚州其子鳳伽異增築

城曰柘東六世孫券豐祐改曰善闡歷五代迄宗羈縻

而已

案明史案雲南府本滇國地漢置益州郡隋為昆州後廢唐復置尋為南詔蒙氏所據五代時大理

段氏為善闡府謹附識

元世祖征大理凡收府八善闡其一也郡

四部三十有七其地東至普安路之橫山西至緬地之

江頭城凡三千九百里而遠南至臨安路之鹿滄江北

至羅羅斯之大渡河凡四千里而近憲宗五年立萬戶

府至元七年改為路

八年分大理國三十七部為南北三路路設達魯噶齊并總管

十三年立雲南行中書省初置郡縣遂改善闡為中慶

路設錄事司領縣三州四州領八縣昆明

中倚郭唐置元憲宗四年

分其地立千戶二至元十二年改善州領昆明縣二十年州羊縣如故案明史雲南本漢滇池縣地謹

附識富民

下至元四年立黎澧千戶十二年即黎澧立縣案明史雲南富民本唐西寧州地謹附識

宜良

下唐匡州即其地蠻酋羅氏於此立城居之名曰羅哀龍元憲宗六年立太池千戶隸嵩明萬戶至

元十三年升宜良州治太池縣二十一年州罷為縣後廢太池來屬

嵩明州

下州在中

慶東北治沙札卧城烏蠻車氏所築白蠻名為嵩明昔

漢人居之後烏白蠻強盛漢人徙去盟誓於此因號嵩

盟漢人嘗立長州築金城阿葛二城蒙氏興改長州為

嵩盟部

案明史橐云唐時南詔置長城郡宋時大理改嵩盟郡謹附識

段氏因之元憲

宗六年立嵩明萬戶至元十二年復改長州十五年升

嵩明府二十二年降為州領二縣楊林

下在州東南治楊林城乃雜蠻

枳氏車氏斗氏麼氏四種所居之地城東門內有石如羊形故又作羊唐有羊林部落即此地元憲宗七年立

羊林千戶至元十二年改為縣卽甸下在州西治白邑村無城郭車蠻斗蠻舊城名為束甸以來為卽憲

宗七年立卽甸千戶至元十二年改為縣晉寧州下唐晉寧縣蒙氏段氏

皆為陽城堡部元憲宗七年立陽城堡萬戶至元十二

年改晉寧州領二縣

呈貢

下西臨滇澤之濱在路之南州之北其間相去六十

里有故城曰呈貢世為些莫強宗部蠻所居元憲宗六年立呈貢千戶至元十二年割詔營切龍呈貢雌甸塔

羅和羅忽大城及烏歸化下在州東北呈貢縣南西濱納山立呈貢一縣

居後為此莫徒蠻所有世隸善開憲宗六年分隸呈貢千戶至元十二年割大吳龍安江安湖立歸化縣

昆陽州 下在滇池南焚獺雜蠻所居有城曰巨橋 案明史

昆陽州註云唐置河東等州沒於南詔大理築巨橋城謹附識 今為州治閭羅鳳叛唐

令曲嘯蠻居之段氏興隸善闡元憲宗併羅畝等十二

城立巨橋萬戶至元十三年改昆陽州領二縣三泊 下

元十三年於易門下在州之西治市坪村世為烏蠻所居段氏時高智昇治善闡奄而有之

至元四年立漢門千戶十二年改為縣安寧州下唐初置安寧縣隸昆

州案明史彙本滇國螳螂川閤羅鳳叛唐後烏白蠻遷地漢益州連然縣謹附識

居蒙氏終善闡酋孫氏為安寧城主及袁氏高氏互有

其地元憲宗七年隸陽城萬戶至元三年立安寧千戶

十二年改安寧州領二縣祿豐下在州西治白村其地瘴熱非大酋所居惟烏

雜蠻居之遷徙不常至元十三年割安寧千戶之祿珠化泥驥琮籠三處立祿豐縣因江中有石如甌俗名碌

珠譯謂碌為石珠羅次下在州北治歷磨呂白村本烏為甌訛為今名

因羅部立羅次州隸中慶路二十四
年改州為縣二十七年隸安寧州

威楚開南等路

下

為雜蠻耕牧之地蠻名俄碌歷代無

郡邑後爨酋威楚築城俄碌賧居之唐時蒙舍詔閣羅

鳳合六詔為一侵俄碌取和子城今鎮南州是也後閣

羅鳳叛於本境立郡縣諸蠻盡附蒙氏立二都督六節

度銀生節度即今路也及段氏興銀生隸姚州又名當

筋驗及高昇泰執大理國柄封其侄子明量於威楚築

外城號德江城傳至其裔長壽元憲宗三年征大理平

之六年立威楚萬戶至元八年改威楚路置總管府領

縣二州四州領一縣威楚

下倚郭至元十五年升威州仍立富民淨樂二縣二十一

年降州為威楚縣

定遠

下在路北地名目直睽離蠻居之諸葛亮征南中經此睽後號

革二縣為鄉來屬

為年州唐蒙氏遣蠻蠻首撞茅鎮年州築城曰耐籠至高氏專大理國政命雲南些莫徒酋夷羨徒民二百戶

於黃蓮穿其種茅故城隸高氏元憲宗四年立年州千戶黃蓮穿為百戶至元十二年改為定遠州黃蓮穿為

南寧縣後革縣為鄉改州為縣隸本路

鎮南州

下州在路北昔樸落蠻

所居川名欠舍中有城曰雞和至唐時蒙氏併六詔征

東蠻取和子雞和二城置石鼓縣又於沙却置俗富郡

沙却即令州治至段氏封高明量為楚公欠舍沙却皆
隸之元憲宗三年其酋內附七年立欠舍千戶石鼓百
戶至元二十二年改欠舍千戶為鎮南州立定邊石鼓
二縣二十四年革二縣為鄉仍隸本州 南安州 下州

在路東南昔黑蠻蠻祖瓦戔吳居之不隸他部至高氏

封威楚方隸馬元憲宗立摩芻千戶隸威楚萬戶至元

十二年改千戶為南安州隸本路領一縣廣通

下縣在北

舊名路賧雜蠻居之南詔閣羅鳳曾立路賧縣至段氏
封高明量於威楚其後宜州酋些莫徙裔易襲等附之

至高長壽遂處於路賧易喪去舊堡二十里山上築城
白龍戲新柵憲宗七年長壽內附立路賧千戶至元十
二年改為廣通
開南州下州在路西南其川分十二
縣隸南安州

甸昔樸和泥二蠻所居也至蒙氏興立銀生府後為金
齒白蠻所陷移府治於威楚開南遂為生蠻所據自南
詔至段氏皆為徼外荒僻之地元中統三年平之以所
部隸威楚萬戶至元十二年改為開南州 威遠州下
州在開南州西南其川有六昔樸和泥二蠻所居至蒙
氏興開威楚為郡而州境始通其後金齒白蠻酋阿只

步等奪其地元中統三年征之悉降至元十二年立開
南州及威遠州隸威楚路

武定路軍民府下唐隸姚州在滇北昔獺鹿等蠻居之
至段氏使烏蠻阿剌治納浹脫共龍城於共甸又築城
名曰易龍其裔孫法瓦浸盛以其遠祖羅婺為部名元
憲宗四年內附七年立為萬戶隸威楚至元八年併仁
德于矢入本部為北路十二年割出二部改本路為武
定領州二州領四縣和曲州下州在路西南蠻名巨

蓬甸峽獠諸種蠻所居元憲宗六年改叵蓬甸曰和曲

至元二十六年升為州領二縣南甸

下路治本縣蠻曰漢甸又稱漢叵籠

至元二十六年改為縣

元謀

下舊名環州元治五年至元十六年改為縣

祿勸州

下

州在路東北甸名洪農祿劬雜蠻居之至元二十六年

立祿勸州領二縣易籠

下易籠者城名在州北地名倍陽縣境有二水蠻語謂浪為水

籠為城因此為名昔羅婺部大商居之

石舊

下縣在州東有四甸

曰掌鳩曰法塊曰抹梭曰曲蔽掌鳩甸有溪繞其三面凡數十渡故名今訛名石舊至元二十六年立縣

鶴慶路軍民府

下

府治在麗江路東南大理路東北蠻

名其地曰鶴川樣共昔隸越析詔漢唐未建城邑唐元
宗開元末閭羅鳳合六詔為一稱南詔徒治羊苴城地
近龍尾鶴柘令府即其地也文宗太和中蒙勸封祐於
樣共立謀統郡蒙氏後經數姓如故元憲宗三年內附
為鶴州七年立二千戶仍稱謀統隸大理上萬戶至元
十一年罷謀統千戶復為鶴州二十年為燕王分地隸
行省二十三年升為鶴慶府領一縣劍川

下縣治在劍川湖西亦名

羅魯城舊案唐史南詔有六節度劍川其二也初蒙氏未合六詔時有浪穹詔與南詔戰不勝遂保劍川更稱

浪劍德宗貞元中南詔擊破之奪劍共諸川地其酋徒居劍朕西北四百里號劍羌蒙氏終至段氏改劍川為義督
義督
千戶至元十一年罷千戶立劍川縣

雲遠路軍民總管府元貞二年置

徹里軍民總管府大德中置

大德中雲南省言大徹里地與八百媳婦犬牙相錯

勢均力敵今大徹里胡念已降小徹里復控扼地利每多相殺掠胡念日與相拒不得離遣其弟胡倫入朝指畫地形乞別立徹里軍民宣撫司擇通習蠻夷情狀者為之帥招其來附以為進取之地乃立徹里軍民總管府

廣南西路宣撫司

闕

麗江路軍民宣撫司漢越嵩郡西徼地昔麼蠻些蠻居

之遂為越析詔二部皆烏蠻種居鐵橋唐德宗貞元中
其地歸南詔元憲宗三年征大理從金沙濟江麼些負
固不服四年春平之立察罕章管民官至元八年立宣
慰司十三年改為麗江路立軍民總管府二十二年府
罷於通安巨津之間立宣撫司領府一州七州領一縣

北勝府在麗江之東唐南詔時鐵橋西北有施蠻者

貞元中為異牟尋所破遷其種居之號劍羌名其地曰

成偈跋

案明史景云唐時南詔始開其地名北方跋及麼些諸蠻居之號成偈跋互有異同謹附識

又改名善巨郡蒙氏終段氏時高智昇使其孫高大惠

鎮此郡

案明史橐云段氏改成紀鎮謹附識

後隸大理元憲宗三年其酋

高俊內附至元十五年立為施州十七年改為北勝州

二十年升為府 順州在麗江之東俗名牛睽昔順蠻

種居劍川共唐貞元間南詔異牟尋破之徙居鐵橋大

婆小婆三探覽等川其酋成斗族漸盛自為一部遷於

牛睽至十三世孫自瞠猶隸大理元憲宗三年內附至

元十五年改牛睽為順州 蒞蒞州治羅共睽在麗江

之東北勝永寧南北之間羅落麼些三種蠻世居之至
元九年内附十六年改羅共睽為蒗蕳州 永寧州昔
名樓頭睽接吐蕃東徼地名答藍麼些蠻祖泥月烏逐
出吐蕃遂居此睽世屬大理元憲宗三年其三十一世
孫和字内附至元十六年改為州 通安州治在麗江
之東雪山之下昔名三睽僕緌蠻所居其後麼些蠻葉
古乍奪而有之世隸大理元憲宗三年其二十三世孫
麥良内附中統四年以麥良為察罕章管民官至元九

年其子麥元襲父職十四年改三肢為通安州 蘭州

在蘭滄水之東漢明帝永平中始通博南山道渡蘭滄水置博南縣唐為盧鹿蠻部至段氏時置蘭溪郡隸大

理元憲宗四年內附隸察罕章管民官至元十二年改

蘭州 寶山州在雪山之東

案明史崇寶山州本漢邪龍縣地謹附識

昔麼

些蠻居之其先自樓頭徙居此二十餘世元世祖征大理自下頭濟江由羅邦至羅寺圍大匱等寨其酋內附名其寨曰察罕呼魯罕至元十四年以大匱七處立寶

山縣十六年升為州 巨津州昔名羅波九腴北接三

川鐵橋西鄰吐蕃麼些大酋世居之元憲宗三年內附

至元十四年於九腴立巨津州蓋以鐵橋自昔為南詔

吐蕃交會之大津渡故名領一縣臨西

下縣在州之西北舊名羅東間

居民皆麼些二種蠻至元十四年立大理州縣於羅東間立臨西縣以西臨吐蕃境故也

東川路 下至元二十八年立

茫部路軍民總管府

下領州二

益良州

下

孫州

下

孟傑路

自東川路以下闕元泰定帝泰定三年八百媳婦蠻請官守置木安孟傑二府之地

晉安路 下治在盤町山陽巴盤江東古夜郎地秦為黔
中地兩漢隸牂牁郡蜀隸興古郡隋立牂州唐置西平
州後改興古郡為盤州蒙氏叛唐其地為南詔東鄙東
爨烏蠻七部落居之其後爨酋阿宋逐諸蠻據其地號
于矢部世為酋長元憲宗七年其酋內附命為于矢萬
戶至元十三年改晉安路總管府明年更立招討司十
六年改為宣撫司二十二年罷司為路

曲靖等路宣慰司軍民萬戶府曲靖二州在漢為夜郎

味縣地蜀分置興古郡隋初為恭州協州唐置南寧州
東西爨分烏白蠻二種自曲靖州西南昆川距龍和城
通謂之西爨白蠻自彌鹿升麻二川南至步頭通謂之
東爨烏蠻太宗貞觀中以西爨歸王為南寧都督襲殺
東爨首領蓋聘南詔閣羅鳳以兵脅西爨徙之至龍和
皆殘於兵東爨烏蠻復徙居西爨故地世與南詔為
婚居故曲靖州元宗天寶末征南詔進次曲靖州大敗
其地遂沒於蠻元憲宗六年立磨彌部萬戶至元八年

改為中路十三年改由靖路總管府二十年以隸皇太

子二十五年升宣撫司領縣一州五州領六縣南寧下

郭唐以西蠻歸王為南寧州都督治石城及閭羅鳳叛

州廢蒙氏改石城郡至段氏烏蠻磨彌部首據五城元

憲宗三年內附六年立千戶隸唐彌部萬戶陸涼州

下即漢牂牁郡之平夷縣案明史蒙云晉於漢之平夷縣置平夷郡唐屬盤州謹附

識南詔叛後落溫部蠻世居之元憲宗三年內附立落

溫千戶屬落蒙萬戶至元十三年改為陸涼州領二縣

芳華下河紉下治蔡村越州下在路之南其州名魯望普

麼部蠻世居之元憲宗四年內附六年立千戶隸末迷
萬戶至元十二年改越州隸曲靖路 羅雄州下與溪
洞蠻獠接壤歷代未嘗置郡其地為塔敝納夷甸俗傳
盤瓠六男其一曰蒙由邱後裔有羅雄者居此甸至其
孫普恐名其部曰羅雄元憲宗四年內附七年隸普麼
千戶至元十三年割夜苴部為羅雄州隸曲靖路 馬
龍州下地名曰撒匡昔焚刺居之盤瓠裔納垢逐舊蠻
而有其地至羅苴內附於本部立千戶元至元十三年

改為州即舊馬龍城也領一縣通泉

下在州西南與高州楊林縣接壤

納垢之孫易分居其地元初為易龍百戶隸馬龍千戶至元十三年改名通泉縣隸馬龍州

雷益

州下在本路之東北據南盤江北盤江之間唐初置州

案明史彙云雷益州漢宛溫縣地屬牂牁郡唐初置西平州改盤州謹附識

天寶末沒於蠻

為焚刺二種所居後唐彌部奪之元初其孫普垢剽內

附憲宗七年以本部隸曲靖磨彌萬戶府至元十三年

改雷益州領三縣交水

下治易龍城其先磨彌部首蒙提居之後大理國高詭軍逐

其子孫據之憲宗五年內附

石梁

下係磨彌部又名伍勒部其前世為巫居

石梁原山至元
十三年為縣
羅山
下亦名落蒙山
乃磨彌部東境

激江路

下

治在滇池東南唐屬牂州隸黔州都督府開

元中降為羈縻州其地曰羅伽甸初麼些蠻居之後為

爇蠻所奪南詔蒙氏為河陽郡至段氏麼些蠻之裔復

居此甸號羅伽部元憲宗四年內附六年以羅伽部為

萬戶至元三年改萬戶為中路十六年升為激江路領

縣三州二州領三縣河陽

下內附後為千戶至元十六年為河陽州二十六年降為

縣

江川

下在激江路南星雲湖之北蒙氏叛唐使白蠻
居之至段氏些麼徒蠻之裔居此城更名步雄

部具後弄景內附即本部為千戶元至元陽宗下在本
十三年改千戶為江川州二十年降為縣路西

明湖之南昔廢些蠻居之號曰強宗部其酋新興州
盧舍內附立本部千戶至元十三年改為縣

下漢新興縣唐初隸牂州後南詔叛降為羈縻州案明
史蒙

云漢青蛉弄棟二縣地梁沒蒙氏為溫富州段氏時麼
於西鑿唐羈縻求州謹附識

些蠻分居其地內附後立為千戶元至元十三年改新

興州案明史蒙云元置部僑千戶所改休納隸激江路
縣又置新興州尋省縣入州謹附識

領二縣普舍下在州西北昔有強宗部蠻之裔長曰部
傍據普具龍城次曰普舍據普扎龍城二

城之西有白城漢人所築二酋屢爭其地莫能定後普
舍孫直劇內附立本部為千戶至元十三年改千戶為

晉舍縣治普札研和下歷些徒蠻步離居之其孫龍鐘
龍城隸新興州內附立百戶至元十三年改為縣

路南州下州在本路之東木名路甸有城曰撒呂黑

繫之裔落蒙所纂子孫世居之因名落蒙部元憲宗朝

內附即本部立萬戶至元七年併落蒙羅伽末速三萬

戶為中路十三年分中路為二路改羅伽為潞江路前案

潞江路注云憲宗六年以羅伽部為萬戶至元三年改
萬戶為中路十六年升為潞江路與此處年分不合考

雲南通志至元十三年賽音諤德齊以改定雲南諸路
名號求上凡為路三十七潞江之升當在此時前作十

六年蓋誤落蒙為路南州隸潞江路領一縣邑市下至元十
謹附識

三年即邑市彌至二城立邑市縣彌沙等五城
立彌沙縣二十四年併彌沙入本縣隸路南州

晉定路本晉里部歸附後改晉定府大德七年改為路

仁德府昔焚刺蠻居之其部曰仲札溢源後烏蠻之裔

新丁奪而有之至四世孫因其祖名新丁以為部號語

訛為仁地

案明史蒙云南詔為尋甸部謹附識

元憲宗五年內附明年立

本部為仁地萬戶至元初復叛四年降之仍為萬戶十

三年改萬戶為仁德府領縣二為美

下縣治在府北地夕溢浦適侶賤甸

即仁地故部至元

歸厚

下縣治在府西地名易浪洶龍舊隸仁地部至元二十四年分

立二縣曰倘俸曰為美二
十五年改倘俸曰歸厚

羅羅蒙慶等處宣慰司都元帥府

建昌路

下本古越嵩地唐初設中都府

案唐書地理志作中都督府元

志蓋誤

治越嵩肅宗至德中没于吐蕃貞元中復之懿宗

時蒙詔立城曰建昌府以烏白二蠻實之其後諸酋爭

強不能相下分地為四推段興為長其裔浸強遂併諸

酋自為府主大理不能制傳至阿宗娶落蘭部建蒂女

沙智元憲宗朝建蒂內附以其壻阿宗守建昌至元十

二年析其地置總管府五州二十三建昌其一路也設

羅羅宣慰司以總之本路領縣一州九州領縣一中

治縣

在任頭甸甸蓋越嵩之東境也所居烏蠻自別為沙麻部以酋長所立處為中州至元十年內附十四年仍為

中州二十二年降為縣隸建昌路

建安州

下即總府所治建蒂既平

分建昌府為萬戶二又置千戶二至元十五年割建鄉

城十四村又建蒂四村立寶安州十七年改本千戶為

建安州二十六年革寶安州以其鄉村來屬永寧州

下在

建昌之東郭唐時南詔立建昌郡領建安永寧二州元

至元九年西平王平建蒂十六年分建昌為二州在城

曰建安東郭曰永寧俱隸建昌路 瀘州 下州在路西

昔名沙城瞋即諸葛武侯擒孟獲之地段氏立城名洩

籠隸建昌元憲宗時建蒂內附復叛至元九年平之十

五年改洩籠為瀘州 禮州 下州在路西北所治曰籠

麼城南詔未諸蠻相侵奪至段氏興併有其地裔孫阿

宗內附復叛元至元九年平之設千戶十五年改為禮

州領一縣瀘沽

縣在州北昔羅落蠻所居至蒙氏霸諸部以烏蠻酋守此城後漸或自號曰落

蘭部或稱羅落其裔蒲德遣其姪建蒂內附建蒂繼叛殺蒲德自為酋長併有諸部至元九年平之設千戶十三年升萬戶十五年改縣里州下唐隸嵩州都督蒙詔時落蘭部

小酋阿都之裔居此因名阿都部元憲宗時其酋納空隨建蒂內附中統三年叛至元十年其子耶吻效順隸烏蒙十八年設千戶二十二年同烏蠻叛奔羅羅斯二十三年升軍民總管府二十六年府罷為州隸建昌路闊州下州治密納甸昔仲由蒙之裔孫名科居此因以名為部號後訛為闊至三十七世孫楚羅內附至元

九年設千戶二十六年改為州 邛部州 下州在路東

北大渡河之南越舊之東北唐立邛部縣後沒于蠻至

宋歲貢名馬土物封其酋為邛都王今其地稱為邛部

川治烏弄城昔麼些蠻居之後仲由蒙之裔奪其地元

憲宗時內附中統五年立邛部川安撫招討使隸成都

元帥府至元十年割屬羅羅斯宣慰司二十一年改

為州 隆州 下州在路之西南與漢邛部縣接境

素漢書地

理志越嵩郡有邛都縣元志作邛部蓋誤 唐會川縣之西北蒙氏改會川為

會同邏立五賧本州為邊府賧其後賧主楊大蘭於賧
北壇上立城分派而居名曰大隆城即今州治也元至
元十三年內附十四年設千戶十七年改隆州 姜州

下姜者蠻名也烏蠻仲牟由之裔阿壇絳始居閬畔部
其孫阿羅仕大理國主高泰是時會川有城曰龍納羅
落蠻世居焉阿羅揀高氏之勢攻拔之遂以祖名曰絳
部元憲宗時隨閬畔內附因隸焉至元八年為落蘭部
酋建蒂所破九年平之遂隸會川後屬建昌十五年改

為姜州二十七年復屬閬畔部後又屬建昌

德昌路軍民府

下漢

邛都

縣地唐沒於南詔路在建昌

西南所居蠻號屈部元至元九年內附十二年立定昌

路以本部為昌州二十三年罷定昌路併入德昌路治

本州葛魯城領州四

昌州

下

路治本州初烏蠻阿屈

之裔寢強用祖名為屈部其孫烏則至元九年內附十

二年改本部為州兼領普濟威龍隸定昌路二十三年

罷定昌路併隸德昌

德州

下

在路之北其地今名吾

越甸城曰亦直龍所居蠻苴郎以遠祖名部曰賴縱憲
宗時內附至元十二年立千戶十三年改為德州隸德
平路二十三年改隸德昌 威龍州下州在路西南本
名巴翠部領小部三一曰沙媧普宗二曰烏雞泥祖三
曰媧諾龍菖蒲皆獯魯蠻種也至元十五年合三部立
威龍州隸德昌 普濟州下州在路西北本名玳甸昔
為荒僻之地獯魯蠻世居之後屬屈部至元九年隨屈
部內附十五年於玳甸立定昌路

案前德昌路注云至元十二年立定昌路

此處作十五年疑誤二十三年路革改隸德昌

會川路

下路在逮昌南唐移邛部於此其地當征蠻之

要衝諸酋聽會之所故名天寶末沒於南詔立會川都

督府又號清寧郡至段氏仍為會川府元至元九年內

附十四年立會川路治武安州領州五武安州

下蠻

稱龍泥城至元十四年立管民千戶十七年改為武安

州黎溪州

下蠻云

黎疆訛為今名初烏蠻與漢人雜

處及南詔閭羅鳳叛徙白蠻守之蒙氏終羅羅逐去白

蠻段氏興令羅羅蠻乞夷據其地至元九年其裔阿夷
內附改其部為黎溪州 永昌州 下在路北治故歸依

城即古會川也唐天寶末沒於南詔置會川都督至蒙
氏改會同府置五賧徙張王李趙楊周高段何蘓龔尹
十二姓於此以趙氏為府主居今州城趙氏弱王氏據
之及段氏與高氏專政逐王氏以其子高政治會川元
憲宗三年征大理高氏逃去九年故酋王氏孫阿龍率
衆內附至元八年以其男阿禾領會川十四年改管民

千戶十七年立永昌州隸會川路會理州下州在會川

路東南唐時南詔屬會川節度地名昔陀有蠻名阿壇

絳亦仲由蒙之遺種其裔羅於則得昔陀地居之取祖

名曰絳部後強盛盡有四州之地號蒙歪元憲宗八年

其孫亦蘆內附隸閔畔萬戶至元四年屬落蘭部十三

年改隸會川十五年置會理州仍隸會川路二十七年

復屬閔畔部麻龍州下麻龍者地名也地名棹羅能

烏蠻蒙次次之裔祖居閔畔東川後普恐遷苗卧龍其

孫阿麻內附至元五年為建蒂所併十二年屬會川十四年立管民千戶隸會川路十七年立為州二十七年割屬閬畔部

栢興府漢為定笮縣隸越巂郡唐立昆明縣天寶末沒於吐蕃後復屬南詔改香城郡元至元十年其鹽井摩沙酋羅羅將獠鹿茹庫內附十四年立鹽井管民千戶十七年改為閬鹽州以獠鹿部為普樂州俱隸德平路二十七年併普樂閬鹽二州為閬鹽縣立栢興府隸羅

羅宣慰司領縣二閏鹽

下倚郭以縣境有鹽井故名

金

下縣在府北漢越嵩郡北

境與吐蕃接元至元十五年立為金州後降為縣以縣境斛樊和山出金故名

臨安廣西元江等處宣慰司兼管軍萬戶府

臨安路

下

唐隸牂州

按明史豪云古句町國漢句町縣屬牂牁郡唐羈廉牂州地謹附識

天寶末沒於南詔蒙氏立都督府二其一曰通海郡段

氏改為秀山郡阿𤝵部蠻居之元憲宗六年內附以本

部為萬戶至元八年改為南路十三年又改為臨安路

領縣二千戶一州三州領二縣河西

下縣在杞麓湖南又名其地曰休

臘昔莊蹠王其地唐初于姚州之南置西宗州領三縣河西其一也天寶後沒於蠻為步雄部後阿楚蠻易渠奪而居之元憲宗六年內附七年即阿蠻部立萬戶休臘隸之至元十三年始為河西州隸臨安路二十六年

峰為

蒙自

下縣界南隣交趾西近建水州縣境有山名自則漢語訛為蒙自有故城白蠻所築即

今縣治下臨巴甸南詔時以趙氏鎮守至段氏阿楚蠻居之元憲宗六年內附繼叛七年平之立千戶隸阿楚萬戶至元十三年改阿楚萬戶為臨安路以本千戶為縣捨資千戶蒙自縣之東

地昔名褒古又曰部娑煙甸傳至裔孫捨資因以為名內附後隸蒙自千戶至元十三年改蒙自為縣其地近交趾遂以捨資為安南道建水州下在本路之南治故防送軍千戶隸臨安路

建水城唐元和間蒙氏所築又稱步頭亦云巴甸每夏

秋溪水漲溢如海蠻謂海為惠大為劇故名惠劇漢語

曰建水歷趙楊李段數姓皆仍舊名些麼徒蠻所居內

附後元立千戶隸阿楚萬戶至元十三年改建水州隸

臨安路

石平州

下按雲南通志石平州平當作坪謹附識

在路之西南

阿楚蠻據之得石坪聚為居邑名曰石坪至元七年改

邑為州隸臨安路

寧州

下

在本路之東唐置黎州

明

史彙云唐分南寧州地置西寧州於此後改黎州謹附識

天寶末沒于蠻地號浪曠

蠻語謂旱龍也步雄部蠻些麼徒據之後屬蠻首阿

幾以浪曠割與寧酋豆圭元憲宗四年寧酋內附至元十三年改為寧州隸臨安路舊領三縣通海嵎峨西沙西沙在州東寧部蠻世居之其裔孫西沙築城於此因名西沙籠憲宗四年其酋普提內附就居此城為萬戶至元十三年立為西沙縣二十六年以隸寧州至治二

年併入州領二縣通海

下倚郭元初立通海千戶隸善闡萬戶至元十三年改通海縣

隸寧海府二十七年府革

嵎峨

下縣在河西縣之西舊屬滇國昔嵎祝蠻居之

直隸臨安路今割隸寧州後阿贊酋遂嵎祝據其地至其孫阿次內附以其部立千戶至元十三年改為州領印洲平甸二縣二十六年

降為縣并二縣為鄉隸
臨安路今割隸寧州

廣西路 下東繫烏蠻彌鹿等部所居唐為羈縻州隸黔
州都督府後師宗彌勒二部寢盛蒙氏段氏莫能制元
憲宗七年二部內附隸落蒙萬戶至元十二年籍二部
為軍立廣西路十八年復為民領州二 師宗州 下在

路之東南昔蠻蠻逐獠獍等居之其後師宗據匿弄甸
故名師宗部至元十二年立為千戶十八年復為民二
十七年改為州 彌勒州 下在路南昔些麼徒蠻之裔

彌勒得郭甸巴甸部籠而居之故名其部曰彌勒至元

十二年為千戶十八年復為民二十七年改為州

元江路

下

古西南夷地阿楚諸部蠻自昔據之

案明史云元

江唐時南詔屬銀生節度徙白蠻十姓戍之後和泥據之居羅槃甸宋時為麼些徒蠻阿楚諸部所有謹附識

元憲宗四年內附七年復叛率諸部築城以拒命至元

十三年遙立元江府以羈縻之二十五年命雲南王討

平之割羅槃馬籠步曰思麼羅丑羅陀步騰步踔台威

台陽設栖你陀十二部於威遠立元江路步曰部

在本路之

西蒙氏立比甸徙白馬籠部因馬籠山立寨在本路之北所居蠻阿楚元初立為

蠻鎮之名步日賧

千戶屬寧州萬戶至元十三年改

大理路軍民總管府上本漢標榆縣地案漢書標榆作

唐於昆明之弄棟案漢書弄棟作置姚州都督府治

標榆洱河蠻案明史雲南郡晉屬寧州唐屬廉匡州地謹附

後蒙舍詔皮羅閣逐河蠻取大和城至閣羅鳳號大

蒙國雲南先有六詔至是請於朝求合為一徙之蒙舍

在其南故稱南詔徙治太和城至異牟尋又遷於喜郡
史城又徙居羊苴非城即今府治改號大禮國其後鄭
趙楊三姓互相篡奪至石晉時段思平更號大理國元
憲宗三年收附六年立上下二萬戶至元七年併二萬
戶為大理路設錄事司領縣一府二州五府領一縣州
領二縣太和倚郭憲宗七年於城內外立上中下三千戶至元二十六年即中千戶立錄事司上
下二千戶立縣茶明史雲云本漢葉榆隋時洱河蠻
居此置太和城元收大理國地置理州及河東縣尋省
州改縣曰太和謹附識永昌府唐時蒙氏據其地歷段氏高氏

皆為永昌府

紫明史彙古京宇國地漢置不韋縣屬益州郡東漢屬永昌郡唐屬姚州後入於蠻

謹附識

元憲宗七年分永昌之永平立千戶至元十一年

立永昌州十五年升為府隸大理路領一縣永平

下縣在府

東唐滄江之東即漢博平縣元至元十一年改永平縣

唐蒙氏改勝鄉郡屬永昌案後漢書永昌郡有博南

縣永平中置疑博平縣係博南縣之訛謹附識

騰衝府在永昌之西即越睽

地唐置羈縻郡蒙氏九世孫異牟尋取越睽逐諸蠻有

其地為軟化府其後白蠻徙居之改騰衝府元憲宗三

年酋高救內附至元十一年改藤越州又立藤越縣十

四年改騰衝府二十五年罷州縣府如故 鄧川州下

在本路北蠻有六詔遼賧其一也唐置遼川州治大釐

蒙氏襲而奪之後改德原城隸大理段氏因之元憲宗

三年內附七年立德原千戶隸大理上萬戶至元十一

年改德原城為鄧川州領一縣浪穹

下本名彌茨乃浪穹詔所居之地唐

初其王鐸羅望與南詔戰不勝保劍川更稱浪劍貞元
中南詔破之以浪穹施浪遼賧總三浪為浪穹州元憲

宗七年内附立浪穹千戶隸大理上
萬戶至元十一年降為縣隸鄧川州

蒙化州下本蒙

舍城唐置陽瓜州天寶間鳳伽異為州刺史段氏為開

南縣元憲宗七年以蒙舍立千戶屬大理上萬戶至元十一年立蒙化州十四年升為路二十年降為州復隸

大理路

趙州

下

昔為羅落蠻所居地蒙氏立國有十

賧趙州賧其一也蠻為賧若州皮羅閣置趙郡閣羅鳳

改為州段氏改天水郡元憲宗七年立趙賧千戶隸大

理下萬戶至元十一年改為州又於白崖賧立建寧縣

隸本州即古勅弄地二十五年縣革入州隸大理路

姚州下唐於弄棟川置姚州都督府元寶間閣羅鳳叛

取姚州附吐蕃終段氏為姚州

案明史彙云南詔置弄棟府大理段氏改曰姚

府謹附識

元憲宗三年內附七年立統矢千戶大姚堡千戶

至元十一年罷統矢立姚州隸大理路領一縣大姚

唐下

置西濮州後更名髻州南接姚州統縣四一曰青蛉即此地夷名大姚堡與弄棟川相接元憲宗七年立千戶

隸大理下萬戶至元十一年罷千戶立大姚縣隸姚州

雲南州下唐以漢雲南

縣置郡蒙氏至段氏並為雲南州元憲宗七年立千戶

案雲南通志唐初置雲南州貞觀中改匡州又於州東南置鏡州蒙氏為雲南賧改品甸縣宋段氏復為雲南

州元立品甸千戶史志未詳謹附識隸大理下萬戶至元十一年立雲南州

蒙憐路軍民府

至元二十七年從雲南行省請以蒙憐甸為蒙憐路軍民總管府蒙萊甸為蒙

萊路軍民總管府其餘關

蒙萊路軍民府

關

金齒等處宣撫司其地在大理西南蘭滄江界其東與緬地接其西土蠻凡八種曰金齒曰白夷曰楚曰峨昌曰驃曰緋曰渠羅曰比蘇元憲宗四年平定大理繼征白夷等蠻中統初金齒白夷諸酋各遣子弟朝貢二年立安撫司以統之至元八年分金齒白夷為東西兩路

安撫司十二年改西路為建寧路東路為鎮康路十五年改安撫為宣撫立六路總管府二十三年罷兩路宣撫司併入大理金齒等處宣撫司

柔遠路在大理之西永昌之南其地曰潞江曰普坪驗曰申驗叅寨曰烏摩坪熨蠻即通典所謂黑蠻也中統初熨酋阿八思入朝至元十三年與茫施鎮康鎮西平緬麓川俱立為路隸宣撫司

茫施路在柔遠路之南瀘江之西其地曰怒謀曰大枯

睽曰小枯睽即唐史所謂茫施蠻也中統內附至元十三年立為路隸宣撫司

鎮康路在柔遠路之南蘭江之西其地曰石睽亦黑獺所居中統初內附至元十三年立為路隸宣撫司

鎮西路在柔遠路正西東隔麓川其地曰于賴睽曰渠濶睽白夷蠻居之中統初內附至元十三年立為路隸宣撫司

平緬路北近柔遠路其地曰驃睽曰羅必四莊曰小沙

摩弄曰驃睭頭白夷居之中統初內附至元十三年立為路隸宣撫司

麓川路在茫施路東其地曰大布茫曰睭頭附賽曰睭中彈吉曰睭尾福祿培皆白夷所居中統初內附至元十三年立為路隸宣撫司

南睭在鎮西路西北其地有阿賽睭午鎮睭白夷峨昌所居元初內附至元十五年隸宣撫司

附各甸寨軍民府

烏撒烏蒙宣慰司在本部巴的甸烏撒者蠻名也其部
在中慶東北七百五十里舊名巴凡兀姑今曰巴的甸
自昔烏雜蠻居之今所轄部六曰烏撒部阿頭部易溪
部易娘部烏蒙部悶畔部其東西又有茫布阿晟二部
後烏蠻之裔折怒始強大盡得其地因取遠祖烏撒為
部名元憲宗征大理累招不降至元十年始附十三年
立烏撒路十五年為軍民總管府二十一年改軍民宣
撫司二十四年升烏撒烏蒙宣慰司

木連路軍民府

以下闕

蒙光路軍民府

木邦路軍民府

案續興地攷云舊名孟都一名孟邦元至元二十六年立木邦路軍民總管府

謹附識

孟定路軍民府

案續興地攷云舊名景麻元至元二十六年改孟定路軍民總管府謹附識

謀粘路軍民府

案方輿紀要孟定府有廢謀粘路元至元中置謹附識

南甸軍民府

案續興地攷云舊名南宗元至元中立軍民總管府謹附識

六難路甸軍民府

陋麻和管民官

雲龍甸軍民府

案續興地攷云舊雲龍甸元至元末立軍民總管府謹附識

縹甸軍民府

二十四寨達嚕噶齊

孟隆路軍民府

木朶路軍民總管府

至元三十年以金齒木朶甸戶口增置立下路總管府其為長者給

兩珠虎符

金齒孟定各甸軍民官

孟愛等甸軍民府

至元二十一年金齒新附孟愛甸酋長遣其子來朝即其地立軍民總管

府

蒙兀路

通西軍民總管府

大德元年蒙陽甸酋領緬吉納款遣其弟阿不剌等赴闕進方物且請歲

貢銀千兩及置郡縣驛傳遂立通西軍民府

木來軍民府

至元二十九年雲南省言新附金齒適當蒙古圖魯默色出征軍馬之衝資其芻糧

擬立為木來路中書省奏置散府以巴拜為達魯噶齊用其土人馬列知府事

欽定續通典卷一百三十七